



Tibiscus quartus laborum & premiorum ipsius regis Tuiskonis socius fuit. Hunc uerò feliciter arma tractantem, atque omnia negotia commissa, dextre expedientem, Tuisco eæ regioni præfecit, quæ longo tractu Istro fluuio ex utraq; parte adiacet, atque postea Vngaria dicta fuit. In ea prouincia etiamnum Tibiscus fluuius, piscium frequentia & rerum fertilitate, celeberrimus extat, qui ab hoc comite suam appellationem sortitus est, quem tamen postea Barbari Tissum uel Teysappellarunt. Berofus.